



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

5. De Christo causa exemplari huius puritatis

[urn:nbn:de:hbz:466:1-60091](#)

menstruam, aliaque eiusmodi. quām hæc & similia media facilia sint, quām efficacia ad insignem animæ puritatem breui acquirendam? quomodo ijs v̄sus fueris, ac porrò vti velis? quomodo te ijs v̄sum fuisse in hora mortis optares? Feruor his medijs seriō vtendi.

III. Quo ardore Sancti innocentia vitæ conspicui, ad hanc angelicam animæ munditiem suspirarint? quo feruore his & similibus medijs v̄si eandem indies auxerint, illibatamque conseruarint? in primisque immaculatissima Deipara, speculum sine macula, cuius omnes cogitationes, desideria, verba & opera nulla vñquam vel leuisima labecula infecta plusquam Angelicam puritatē redolebant. Congratulatio, zelus imitandi.

Dz Christo, caussi exemplari huius V.
puritatis.

I. Expende, quām clarum nobis huius excellentissimæ puritatis & innocentiae exemplū præbuerit Christus Dominus 30. annos priuatam vitam agens, qui licet esset impeccabilis, nibi-

nihilominus tam circumspecte sese
in omnibus gessit, ac si in star ceterorū
hominum peccatis & indomitis passi-
onibus obnoxius fuisset O quam san-
ctæ & immaculatæ fuere omnes eius
cogitationes, omnia desideria, verba,
opera! quam longè abfuere ab omni
inordinato motu passionum & amore
creaturarum! O si nostra vel à longè
essent illorum similia! Gratitudo,
amor, zelus imitandi.

II. Quomodo tempore prædicatio-
nis hanc eandem omnimodam mētis
puritatem, verbo & exemplo nobis
commendarit, tam acriter peccata o-
mnia cordis, oris, operis, nec solum
maiora, sed etiam minora perstrin-
gendo, vsque adēd, ut etiam de mini-
mo verbo otioso asserat in die iudicij
reddendam rationem: extirpationem
vitiosorum habituum: seriam mortifi-
cationem sensuum, & prauarum
passionum, absolutamque inordinati
erga sanguine iunctos, aliasque res
creatæ omnes affectus abnegationem
toties inculcando: denique omnia
hæc, quæ verbo docuit, vitæ exemplo
comprobando, atque ita sese gerendo,
ut ne à curiosissimis & malitiosissimis
omnium dictorum & factorum suo-

rum

rum obseruatoribus. vel vnius minimi errati leuissimæque imperfectionis verè posset conuinci, iuxta illud: *Quis Ioa. 8.*
ex vobis arguet me de peccato?

III. Quomodo demum tempore passionis suæ eiusdem absolutissimæ innocentia speculum nobis reliquerit, in summis iniurijs, opprobrijs, doloribus & cruciatibus ne minimæ quidem imperfectionis aut leuissimi motus indignationis, impatientiæ, superbiæ, pusillanimitatis, alteriusve minus ordinatæ affectionis signum vel verbulo, vel nutu, vel gestu prodendo, sed pacatissimo animo omnia ferendo, sanctissimolque prædictis imperfectionibus oppositos affectus commiserationis, amoris, resignationis, humilitatis, patientiæ & similes constantissime continuando: idque amore nostri profectus, ut nos ad

sui imitationem prouocaret. Affectus
ijdem.

(?)

De